

KONFERENCIJA U KATARU



U organizaciji Centra za studijsko istraživanje i strateško planiranje Al-Jezire na čijem čelu je dr. Salahuddin Ezejn Muhamed, održana je dvodnevna Konferencija 17.-18.01.2011. u Dohi – Katar. Kako je u postupku pokretanje programa Al-Jezire na Bosanskom jeziku koja će se emitirati iz Sarajeva a pokrivat će cijeli Balkan i regiju, tako je i tema Konferencije bila usmjerena na mogućnosti i strukturu sadržaja koji bi bili primjereni i atraktivni na ovim prostorima.

Na istoj Konferenciji sudjelovao je i pomoćnik predsjednika Mešihata Islamske zajednice u Hrvatskoj doc.dr.sc. Aziz Hasanović koji je imao izlaganje na temu „Islam i muslimani na Balkanu“. U izlaganju je iznio kratku povijesti islama i muslimana na Balkanu, predstavio tri modela organiziranosti muslimana

Balkana kroz islamske zajednice te se osvrnuo na postojeće sufijske redove na Balkanu. Ističući velike napore i prepoznatljivi medijski iskorak u objektivnom izvješćivanu Al-Jezire zahvalio se na pozivu i iskazao zadovoljstvo što će uskoro Al-Jezira biti emitirana i na jezicima Balkana i na taj način biti dostupna svima.

Učešće na ovom skupu uzeli su predstavnici: Grčke, Turske, Srbije, Sandžaka, Kosova, Makedonije, Albanije te Bosne i Hercegovine. Pored navedenih država učešće su uzeli i poznati novinari koji izvješćuju iz: Egipta, Tunisa, Sudana, Katara, Sarajeva Jordana te mnogi medijski stručnjaci koji su dali svoj doprinos aktivnim uključivanjem u raspravu i mnogobrojnim pitanjima koja su upućivali panelistima koji su bili ograničeni sa svojim izlaganjima na 15 minuta.

Gledatelji Al-Jezire mogli su pratiti ovu Konferenciju izravnim prijenosom cijelog programa.

Opći dojam svih sudionika ovog skupa jedinstven je glede organizacije, pripremljenosti predavača ali i nastojanjima rukovodstva Al-Jezire u razvijanju medijskog brenda muslimana koji se zove Al-Jezira. Zajednička želja svih sudionika je da što prije zaživi emitiranje programa za Balkan koji se očekuje sredinom ljeta.